



Comunu de Scalepranu

Provìntia de Casteddu

Ufìtziu de su Sìndigu

Bia Sìndigu Giuanni Carta n. 18 - 08043 Tel 07095410400 – fax 070 9541036

Mobile 3204339103 - e-mail: sindaco@comune.escalaplano.ca.it

FESTA CUN IS DISTERRAUS – 13 AUSTU 2015

Fintzas oc'annu est acostiadis sa dia dedicata a is disterraus, una dia de passai impari, torrendusì a agatai e contendusì su tempus passau atesu is unus de is atrus, mancaì po cumpratziri is timorias e is pensamentus chi fatuvatu s'acomunant, ma fintzas s'abetu po unu benidori cun prus pagu dificurtadis. Eus a èssiri fintzas in cumpangia de is malàidus e de is mannus nostus, chi, po is cundetzionis de saludi, a fitianu non tenint sa possibìlidadì de pigai parti a sa missa sa dia de festa, difatis, gràtzias a sa collaboratzioni de is familiaris e de is voluntàrius de sa Croce Verde Scalebranesa, ant a èssiri acumpangiaus e ant a pòdiri ascurtai sa Missa Santa. Po sa comunidadi nosta at a èssiri fintzas s'ocasioni po fàiri is augùrius a su predi de bidda nosta Don Luigi, ca orruit difatis su de bintiseti anniversàrius de s'ordinatzioni sua a predi.

S'at a pòdiri affortiai s'amigàntzia, agatendusì in un'ocasioni de festa po totu sa bidda, a innui ant a pòdiri pigai parti fintzas is chi non si nd'ant a pòdiri stai de si gosai calencuna ora de mari, candu ant a furriai a bidda a mericeddu a tradu.

Difatis a is 18,30 seus a atobiai in sa crésia de "Santu Srebestianu", po pigai parti a sa Missa Santa, chi at a èssiri celebrada de su Munsennori nostu Antonello Mura e animada de su coru femminili de Tonara.

Acabada sa missa, in s'aposentu de su Consillu, eus a ascurtai sa presentada de su liburu retulau "ESCALAPLANO sul filo dei miei ricordi", scrittu de Sandro Furchas, unu scalebranesu chi s'at bòfìu cunsenniai un'arregorta de acuntèssius, contus, crosidadis e particularidadis, chi benint de is arregodus suos po s'agiudai a connòsciri mellus e a cumprèndiri cali mudas ant cambiau sa bidda nosta in custas ùrtimas dexas de annus. Su liburu at a èssiri amostau e cummentau, in prus de s'autori, de su professori Angelo Lai, atru scalebranesu famadu e de tempus meda emigrau in sa capitali.

Congruida sa presentada de su liburu apitzus de Scalepranu, seus a istentai ancora totus impari po testai is prodotus bonus de sa terra nosta.

Aprofìtu de s'ocasioni po arregodai ca, po totu su mesi de austu, in sa s'aposentu de rapresentàntzia in su pranu terra de su Municìpiu, si podit castiai s'espositzioni ideada, realizzata e cuncordada de Paoletta Dessì, artista e scenografa, atra emigrada famada scalebranesa.

In s'intrada de su Municìpiu si podit fintzas castiai s'amosta de fotografias antigas de Scalepranu e de is scalebranesus.

A primu noti, in Prtaza Francescangelo Sedda, eus a biri su spetàculu musicali chi at a cumentzai sa festa "Bacanu Summer Festival", chi po su 13 austu, de is 23,00, proponit su concertu de su cantadori Francu Madau, po sighiri cun su spetàculu "Tasinanta Tour" de sa cantadora sarda Claudia Aru cun sa Big Band sua.

Cun s'augùriu de s'atobiai totus in Scalepranu, Si mandu unu saludu de coru, fintzas a nòmini de totu su Consillu Comunali.

Marco Lampis – Sìndigu de Scalepranu